

Biblioteca Casa de Mont Laax

Rapport annual 2018

Occurenzas e termins

24 da schaner: Elisabeth Coray e Marionna Tschuor beneventan las responsablas dallas bibliotecas dalla Surselva alla sentupada annuala en biblioteca a Laax.

31 da schaner: La menadra ei stada presenta alla sentupada annuala dallas responsablas da biblioteca dil Grischun a Cuera.

9 da fevrer: Biblioteca pintga: Angela Weishaupt raquenta *“Es klopft bei Wanja in der Nacht”*.

21 da fevrer: Marionna Tschuor ei stada alla radunonza annuala da leger.GR a Zernez. Suenter la radunonza raquenta Flurina Plouda dalla *“Famiglia Babulin”* e da sias experientschas en connex cun las prelecziuns ellas scolas da l’Engiadina.

14 da mars: Seduta annunala dalla cumissiun dalla biblioteca Casa de Mont. Presents: Erwin Ardüser, president; Marita Buchli, commembra suprastonza communal; Marionna Tschuor-Coray, menadra biblioteca; Elisabeth Coray-Steiner, cassiera biblioteca.

23 da mars: Biblioteca pintga: Angela Weishaupt raquenta la historia dalla *“Famiglia Babulin”*.

3 da matg: Las bibliotecaras da Laax fan in’excursiun a Turitg per cumprar cudischs novs e per passentar in di comunabel.

1. da zercladur – 31 d’october: Ils bauns da lectura – a Laax sper il Lag Grond ed a Schluain el quartier Buortga – vegnan apprezzai fetg.

14 da settember: Biblioteca pintga duont l’jamna da biblioteca: Flurina Cantieni raquenta la historia *“Zottels Hundeleben”*.

19 da settember: Elisabeth Coray, Claudia Andreoli e Marionna Tschuor participeschan alla fiasta da 50 onns Leger GR a Cuera.

20 da november: Biblioteca pintga: Il casperet da Mustér ha puspei visitau nus e procurau per eglis tarlilschonts tier ils affons dallas scolettas ed dalla 1. – 3. classa cun la historia dil *“Casperet e la dentista Petra”*.

8 da december: El rom dalla fiasta d’avertura dalla nova infrastruttura dil Lag Grond havein nus era saviu presentar la nova *“scaffa da cudischs”* che remplazza la *“scattla da cudischs”*.

12 da december: Til da latiarnas e biblioteca pintga: Ina gronda roscha affons dallas scolettas e dalla termagliera han participau al til da latiarnas organisaus da l’Uniun da dunnas. Avon la Sentupada ha Nadia Cathomas raquintau ad els ina historia d’Advent.

2018: Marionna Tschuor ha collaborau ella gruppa da preparaziun per il pool da datas per *“biblio.gr - Rait da catalogs da las bibliotecas communalas e da scola en il chantun Grischun”* e frequentau in cuors per utilisaders da WinMedio.net.



Biblioteca Casa de Mont Laax

General

- Las occurrenzas «Biblioteca pintga» vegnan mintgamai visitadas da ca. 20 affons. Mintgagada san els era aunc malegiar ni zambergiar zatgei pign per prender a casa.
- Il 2018 havein nus
 - cumprau 367 medias.
 - empristau 9102 medias. Vitier aunc 567 emprests tier dibiost (digital).
 - vendiu 168 abonnements, da quels 108 a Laax.

Engraziel fetg

- a mias collegas Claudia Andreoli Jäger, Elisabeth Coray, Prisca Coray, Barbara Rupp e Petra Tuor pigl engaschi e per la buna collaboraziun. In engraziament special a mia substituta Elisabeth per menar la contabilitad;
- alla cumissiun dalla biblioteca, alla vischnaunca politica ed alla Fundaziun Pro Laax per la confidonza e per il sustegn;
- a nossa clientella per lur interess, per lur visetas e pil far diever da nossa biblioteca da vischnaunca e da scola.

Marionna Tschuor-Coray, menadra

Laax, ils 17 d'avrel 2019

